

庚申孟春

歷代咏物詩選

上海進化書局印行

詩能體物每以物而興懷物可引詩亦因詩而觀態周南篇首托興雉鳩楚客詞中寄情
蘭茝崔氏鴛鴦之什擅美三唐謝家蝴蝶之篇著名兩宋聿緣情之有作唯咏物之為多
然而佳製連篇散分麟閣新文滿篋襍寄鴻編非藉集孤曷窺金豹吾友長仁才同繡虎
藻並雕龍閑戶殫思探簡編於二酉下帷攻苦學文史於三冬拂紙則銀管千言揮毫而
瑤詞滿幅薰香摘艷既妙解夫文章憂玉敲金尤精研之詩律搜秘及復裂雲箋遍採
歌詩獨編咏物觀其牢籠百態會集羣英分類標題發凡起例上窮蒼昊不難鏤月裁雲
下括神臯真是模山範水長門永巷時屬新詞紺宇梵宮每題佳句思公子而不見宛轉
傳神望美人兮未來嫋嫋現影以至徵伶選藝緯武經文錯落珠璣不遺布帛之作輝煌
黼黻仍留冠冕之篇入大官之庖珍饈備列遊五都之市器用襍陳拾香草於詞間煉新
花於紙上珍禽奇獸俱著品題春蚓秋蛇曲摹形象將天地間殊形詭狀盡入囊囊為古
今來才子詞人留充武庫加以刪繁就簡領異標新有要而倫亦精亦博採崑山之尺璧
微玷皆捐採合浦之寸珠羣璣悉棄秘諸玉枕可為學海之珍船列在牙籤不啻大河之
寶筏乃若征逐旅館寂寞多閒雪案螢窗優游少託春花秋月動其妍思鳥語蟲吟引其
芳緒方當開茲綉帙對此芸編喜萬象之畢陳任供採拾觀衆形之悉具足備斂收真堪
作我清供添人藻句鑒居同里閑學附淵源回思立雪之年曾陪問難今值截蒲之際聊
助授讎樂觀厥成佇卜金輶夫呂氏家藏斯集行看紙貴於洛陽亦曰賞奇敢云弃首同
里世弟錢鑾拜題

凡詩之作所以言志也志之動由於物也感於物而動故形於言言不足故發為詩詩也者發於志而實感於物者也詩感於物而其體物者不可以不工狀物者不可以不切於是有詠物一體以窮物之情盡物之態而詩學之要莫先於詠物矣古之詠物者其見於經則灼灼寫桃李之鮮依依極楊柳之貌杲杲為出日之容濛濛擬雨雪之狀此詠物之祖也而其體猶未全至六朝而始以一物命題唐人繼之著作益工兩宋元明承之篇什愈廣故詠物一體三百導其源六朝備其製唐人擅其美兩宋元明沿其傳其佳者往往擬諸形容象其物宜不即不離而繪聲繪影學者讀之可以恢擴性靈發揮才調顧巨秩鴻編難於卒讀一朝專橐挂漏實多從游沈子堯封偕弟賡虞欲得一簡而該者以供記誦請業於余余不獲辭爰取名家諸集及選本而手錄之斷自六朝至於明季集分八卷詩逾千篇名曰咏物詩選聊便初學用塞其請或曰雕蟲篆刻壯夫不為月露風雲古人所賤則是書之輯余滋愧焉或曰傳有之多識於草木鳥獸之名又曰不學博依不能安詩則是書也亦未必非學詩之一助云爾雍正甲辰十月朔俞琰序

咏物詩選凡例

一詩有古風近體之不同而是集所選專於近體即長律亦止錄十二韻以內者以集隘難於盡登且咏物體製正宜穩順聲律不蔓不支累句蕪詞亦無足取

一是集選自六朝止於明世若國朝人文蔚起佳作如林珙孤陋寡聞無由徧識惟就古人所缺與同里諸子詩略附一二故加附字以別之明非備錄

一咏物之詩多者莫如李巨山下迨謝瞿廣至百首專門名家之業選錄宜多更有以一篇之工擅名千載者如崔鶯鶯鄭鵲謝蝴蝶楊春草袁白燕之類無不畢採以備詩林佳話且使學者有所感興

一唐人以詩取士故其詩獨工是集所載居其大半明所尚也然在唐以前者豈無觀止之什唐以後者亦有居上之篇心思所至風會難拘惟擇其佳者而錄之亦不必定存唐作也

一歲時非物也然是集本為初學而設良辰美景存之可以備取材謹遵佩文咏物詩選之例亦為編入

一集中所載如山部之有諸山水部之有諸水居處與寺觀等亦然例得附入若概為刪去未免聞見寂寥然必欲備採即汗牛充棟亦有所遺故略存其要如五嶽四瀆之類

咏物詩選

凡例

一進化書局印行

或題非緊要而詩則甚佳者亦得與焉識者鑒之

一是集雖名咏物而衆體兼全歲時之內不乏感興地部之中亦多憑弔游覽即存乎山水閒情已備於麗人言懷酬贈附見諸詩學者讀之正不必廣覽旁搜而運用有餘矣
一一題之詩多者不過六首少者僅存一首蓋既欲其約又欲其該第取備物不能備詩也

一是書部分三十其先後次序略以天地人物為綱首天部而歲時者天之運行也故歲時次之次地部而山水者地之屬也居處寺觀則附於地者也故山水與居處寺觀次之次人部人有麗人而文武者人之所能樂藝者人之所習器用稊玩所以奉人玉帛冠服所以資人飲食所以養人巢也穀也蔬也皆飲食之品故諸部次之下此則為物矣百草草木植物也禽獸鱗介水族昆蟲動物也或無情或有情而統歸之於物故以數者終焉

一每部之中其叙次必先靈而後蠢先巨而後細先有用而後無用無尊倫也然其中更有以名附者如秋海棠之附於海棠珠蘭之附於蘭是也有以類附者如煙火之附於香炭筍之附於竹是也

一每咏一物以單名總咏者居先而後及於分咏又次及於稊咏分咏者如天部日後之

繼以蚤日日午夕陽近照之類是也雜咏者如天部中秋月後之繼以鶴林寺中秋夜玩月地部郊野後繼以初夏郊行之類是也餘可類推

一序詩之法或以體序或以世序此大較也是集專為咏物故惟以物序若一物而數詩者仍以體分物同而體亦同者仍以世次

一古人題目多為後人所增刪殊失本來面目是集各從舊本不敢妄更惟題上有咏字者概為削去蓋既以咏物名書則咏字無庸復贅讀者幸勿致訝

一數詩共題者後止書又字一人疊見者後不書人一覽自明省文可也

一是書彙經屢易劇費苦心共商確之任者為余友錢宸御助校閱之勞者為及門沈堯封及賡虞始事之勤所不敢泯然而識非蕭嗣博愧邊生燕石自珍驪珠難探 高明君子尚其有以教我

俞琰長仁氏識

咏物詩選總目

魏塘俞 琰長仁輯

卷第一

天部九十二首

歲時部一百二十三首

歲時部附錄十二首

卷第二

地部六十一首

山部五十首

卷第三

水部六十六首

居處部九十八首

寺觀部二十九首

卷第四

人部四十一首

麀人部七十三首

文部二十七首

武部二十七首

卷第五

樂部五十一首

樂部附錄三首

巧藝部三十一首

器用部一百四首

襟玩部十二首

卷第六

玉帛部十六首

冠服部二十七首

飲食部三十五首

菓部三十三首

穀部八首

蔬部十二首

卷第七

花部一百三十一首

花部附錄五首

木部四十一首

木部附錄八首

草部二十二首

卷第八

禽部七十五首

獸部三十二首

鱗部十一首

介部五首

水族襟部四首

昆蟲部三十九首

咏物詩選卷第一目錄

天部

魏塘俞琰長仁輯

日

唐李嶠

曉日

唐韓偓

望蚤日

唐朱慶餘

日午

唐虞世南

夕陽

唐鄭谷

又

唐韓偓

返照

唐杜甫

賦得秋日懸青光

唐王維

月

梁沈約

又

唐杜甫

新月

唐方干

又

唐徐寅

又

唐羅隱

月圓

唐杜甫

皓月

明祝允明

秋月

唐戎昱

月夜

唐杜甫

八月十五夜月

唐僧棲白

中秋月

宋蘇軾

鶴林寺中秋夜玩月

唐許渾

中秋待月

唐陸龜蒙

湖中玩月

明張紳

十五夜望月

唐王建

海上生明月

唐宋華

咏物詩選

卷一 目錄

一進化書局印行

府試殘月如新月

唐鄭谷

華州試月中桂

唐張喬

星

明許穀

牛女星

唐宋之問

壽星見

唐盧渥

天河

唐杜甫

風

唐太宗

又

唐李山甫

又

唐李嶠

賦得風不鳴條

唐舒元興

雲

唐董思恭

又

唐鄭準

春雲

唐鄧倚

夏雲

唐曹松

孤雲

唐于鄴

慶雲見

唐李紳

晚霞

宋朱子

雨

唐李嶠

又

唐杜牧

細雨

唐李商隱

微雨

唐吳融

春雨

唐吳融

連雨漲江

宋蘇軾

對雨

唐李白

又

唐劉兼

夜窗聽雨

明李東陽

聞雨

唐韓偓

春夜喜雨

唐杜甫

久旱喜雨

明羅理

旅館遇雨

唐杜荀鶴

芒種過後經旬無日不雨 宋陸游 監試夜雨滴空階 唐喻鳧

夏夜雨 唐韓偓 大雨 宋蘇軾

晴 宋梅聖俞 雨晴 唐杜甫

又 元倪瓚 初晴 宋陸游

又 宋王安石 春晴 唐王駕

春霽 宋秦觀 途中晴 唐孟浩然

霧 唐蘇味道 水邨霧 宋葛長庚

曉行遇霧 宋葛長庚 露 唐李嶠

又 唐韓琬 又 唐徐寅

霜 唐徐寅 霜花 元謝宗可

雪 唐聶夷中 又 唐吳融

又 元黃庚 對雪 唐李商隱

春雪 金元德明 又 唐韓愈

江雪 唐柳宗元 和王員外晴雪早朝 唐錢起

雪後書北臺壁 宋蘇軾 韓舍人書齋殘雪 唐戎昱

永 勸 詩 卷一 目錄 二 建 紀 書 局 印 行

雪中偶題 唐鄭谷 雪行 金元德明

霰 宋楊萬里 雷 唐杜甫

電 附俞琰 虹 附王桂

賦得浦外虹 唐陳潤 暮虹 元黃庚

時歲部

立春 唐韋莊 又 宋張栻

元日立春感歎有作 宋范成大 人日立春 唐盧仝

迎春東郊 唐皇甫冉 歲旦 宋宋伯仁

元旦試筆 明陳憲章 已酉元日 宋陸游

元日觀朝 唐厲元 奉和正日臨朝應詔 唐魏徵

人日 唐杜甫 正月十五夜 唐蘇味道

十五夜游 唐蘇味道 長安元夜 唐袁不約

元夜 宋朱淑貞 元宵 明唐寅

十五夜御前口號踏歌詞 唐張說 又 唐張說

花朝 明湯顯祖 社日 明甘瑾

又 唐張演 寒食前有懷 唐溫庭筠

寒食 唐韓翃 鄜州寒食 唐韋莊

又 唐韋莊 又 唐韋莊

清明登城春望寄王使君 唐王表 長安清明 唐韋莊

清明日對酒 宋高翥 清明即事 明瞿佑

清明日賜百官新火 唐鄭轅 清明 宋王禹偁

上巳 明楊基 上巳日花下閒看 唐吳融

上巳 宋韓琦 上巳看花次韻 明楊基

晚春 隋煬帝 暮春即事 唐魚元機

和人暮春書事寄崔秀才 唐韋莊 春暮有感 明楊基

暮春吟 宋邵雍 春盡日 唐韓偓

春日 梁元帝 又 唐韋莊

春日宴起 唐韋莊 春日書院 明魯鐸

春日閑居 明王虞鳳 春歌 晉女子

春曉 唐孟浩然 春夜 宋王安石

又 金呂中孚 春色滿皇州 唐沈亞之

春行 宋真山民 春景 明宣宗

山中立夏即事 明蔡汝南 蚤夏 唐胡宿

初夏閒居即事 宋陸游 初夏 宋陸游

又 宋曾鞏 貞谿初夏 明郭亨貞

午日庭宴 明唐順之 許長卿水亭五日 明顧起元

揚州端午呈趙帥 宋戴復古 大暑 金趙元

暑中閒咏 宋蘇舜欽 消暑 唐白居易

橋南納涼 宋陸游 六七月之交山中涼甚 宋陸游

奉和夏日應令 北周庾信 夏日 宋張耒

又 宋張耒 夏日偶成 明黃氏

夏夜 宋方岳 夏景 明宣宗

立秋 陳周弘讓 立秋日 唐司空曙

又 宋劉武子 新秋 唐元稹

又 唐杜甫 新秋示盛伯宣 明銬泰

又 唐杜甫 新秋示盛伯宣 明銬泰

七夕

隋王慎

又

唐祖咏

又

元孫淑

又

明馮琦

池塘七夕

唐溫庭筠

中秋

明曹鼐

又

宋汪洙

九日藍田崔氏莊

唐杜甫

九日齊山登高

唐杜牧

重陽日訪元秀上人

唐鄭谷

九日

元張養浩

九日宴

唐張諤

重九

朝鮮鄭道傳

暮秋感興

宋寇準

江亭晚秋

唐李郢

秋晚高樓

唐唐彥謙

秋日

唐耿湋

又

唐韓偓

又

宋朱子

長安卧病秋夜言懷

唐陳羽

西齋秋夜

元僧善住

長安秋夜

唐李德裕

山間秋夜

宋真山民

江館秋夕

唐譚用之

感秋

唐姚倫

秋興

唐杜甫

秋懷

唐雍陶

秋色

唐吳融

秋景

明宣宗

立冬

明王穉登

咏物詩選

卷一 目錄

四 進化書局印行

初冬

宋劉克莊

小至

唐杜甫

至節即事

元馬臻

南至日太史登臺書雲物唐于尹躬

寒夜

宋杜小山

臘月下旬偶作

宋張耒

臘日

明李先芳

除夜

唐王諲

除夜作

唐高適

守歲侍宴應制

唐杜審言

冬日

唐韓偓

冬夜

明毛文貞

冬景

明宣宗

歲時部附錄

曉

唐徐寅

曉色

元謝宗可

商山蚤行

唐溫庭筠

秋日蚤行

唐韋莊

江上蚤行

明楊士奇

晚步

元葉顥

夜

唐徐寅

夜景

唐韋莊

夜景又作

唐鄭畋

夜半

唐李商隱

夜坐

明文徵明

閏月定四時

唐許稷

咏物詩選卷第一目錄終

咏物詩選卷第一

天部

魏塘俞琰長仁輯

日

唐李嶠

日出扶桑路。遙升若木枝。雲間五色滿。霞際九光披。東陸蒼龍駕。南郊赤羽遲。傾心比葵藿。朝夕奉光曦。

曉日

唐韓偓

天際霞光入水中。水中天際一時紅。直須日觀三更後。首送金烏上碧空。

望蚤日

唐朱慶餘

窗下聞雞後。蒼忙映遠林。纔分天地色。便禁虎狼心。是處程途遠。何山洞府深。此時堪佇望。萬象豁塵襟。

日午

唐虞世南

高天淨秋色。長漢轉曦車。玉樹陰初正。桐圭影未斜。翠蓋飛圓彩。明鏡發輕花。再中良表瑞。共仰壁暉賒。

夕陽

唐鄭谷

夕陽秋更好。激激蕙蘭中。極浦明殘雨。長天急遠鴻。僧留半榻漁。舸透疎蓬。莫恨清光盡。寒蟾即照空。

又

唐韓偓

花前灑淚臨寒食。醉裏回頭問夕陽。不管相思人老盡。朝朝容易下西牆。

返照

唐杜甫

返照開巫峽。寒空半有無。已低魚腹暗。不盡白鹽孤。荻岸如秋水。松門似畫圖。牛羊識童僕。既夕應傳呼。

賦得秋日懸清光

唐王維

寥廓涼天淨。晶明白日秋。圓光含萬象。碎影入閒流。迴輿青冥合。遙同江甸浮。盡陰殊衆木。斜影下危樓。衆玉登高怨。張衡望遠愁。餘輝如可托。雲路豈悠悠。

月集作應王中丞思遠咏月

梁沈約

月華臨靜夜。夜靜滅氛埃。方暉竟戶入。圓影隙中來。高樓切思婦。西園游上才。網軒映朱綬。應門照綠苔。洞房殊未曉。清光信悠哉。

又

唐杜甫

四更山吐月。殘夜水明樓。塵匣元開鏡。風簾自上鉤。兔應疑鶴髮。蟾亦戀貂裘。斟酌嫦娥

寒天寒耐九秋。

新月

唐方干

入夜天西見蛾眉冷素光潭魚驚釣落雲雁怯弓張隱隱臨珠箔微微上粉墻更憐三五夕仙桂滿輪芳

又

唐徐寅

雲際嬋娟出又藏美人腸斷拜金方嫦娥一隻眉先掃織女三分鏡未光珠箔寄鉤懸露靄白龍遺爪印宮倉更期十五圓明夜與破陰靄照八荒

又

唐羅隱

禁鼓初聞第一敲臥看新月出林梢誰家寶鏡初磨出匣小參羞盡不交

月圓

唐杜甫

孤月當樓滿寒江動夜扉委波金不定照席綺逾依未缺空山靜高懸列宿稀故園松桂發萬里共清輝

皓月

明祝允明

玉田金界夜如年大地人間事幾千萬賴蕭蕭微不辨露繁霜重月盈天

秋月

唐戎昱

秋宵月色勝春宵萬里天涯淨寂寥近來數夜飛霜重只畏娉娉樹葉凋

月夜

唐杜甫

今夜鄜州月閨中只獨看遙憐小兒女未解憶長安香霧雲鬟濕清輝玉臂寒何時倚虛幌雙照淚痕乾

八月十五夜月

唐僧棲白

尋常三五夜豈是不嬋娟及至中秋半還勝別夜圓清光疑有露皓色爽無煙自古人皆望年來復一年

中秋月

宋蘇軾

暮雲收盡溢清寒銀漢無聲轉玉盤此生此夜不長好明月明年何處看

鶴林寺中秋夜玩月

唐許渾

待月東林月正圓廣庭無樹復無煙初更雲淨出滄海半夜露寒當碧天輪影漸移金殿外鏡光猶挂玉樓前莫辭達曙殷勤望一墮西巖又隔年

中秋待月

唐陸龜蒙

轉缺霜輪上轉遲好風偏似送佳期簾斜樹隔情無限燭暗香殘坐不辭最愛笙調聞北里漸看星淡失南箕何人為校清涼力欲減初圓及午時

湖中玩月

明張紳

銀波千頃照神州此夕人間別是秋地與樓臺相上下天隨星斗共沉浮一塵不向空中住萬象都於物外求醉吸清華游碧落更從何處覓瀛洲

十五夜望月

唐王建

中庭地白樹棲鴉冷露無聲濕桂花今夜月明人盡望不知秋思在誰家

海上生明月

唐宋華

皎皎秋中月團圓海上生影開金鏡滿輪抱玉壺清漸出三山上將凌一漢橫素娥嘗藥去烏鵲繞枝驚照水光偏白浮雲色最明此時堯砌下莫笑正敷榮

府試殘月如新月

唐鄭谷

榮落何相似初終却一般猶疑和夕照誰信墮朝寒水國輝華別詩家比象難佳人應誤拜棲鳥反求安屈指期輪滿何心謂影殘庾樓清賞處吟徹曙鐘看

華州試月中桂

唐張喬

與月轉洪濛扶疎萬古同根非生下土葉不墜秋風結藥圓時足低枝缺處空影超羣木外香滿一輪中未種丹霄日應虛白兔宮如何同片玉散植在堂東

星

明許穀

麗天疑有臂連貝各呈輝森布標分野羣來捧太微宵占賢士聚曉覺故人稀獨喜花頭落天南奏凱歸

牛女星

唐宋之間

粉席秋期緩針樓別怨多奔龍爭渡月飛鵲亂填河夫喜先臨鏡含羞未解羅誰能留夜色來夕倍還梭

壽星見

唐盧渥

元象今何應時和政亦平祥為一人壽色映九霄明皎潔垂銀漢光芒近斗城含規同月滿表瑞得天清甘露盈條降非煙向日生無如此嘉祉率土荷秋成

天河

唐杜甫

常時任顯晦秋至最分明縱被微雲掩終能永夜清含星動雙闕伴月落邊城牛女年年淚何曾風浪生

風

唐太宗

蕭條起關塞搖颺下蓬瀛拂林花亂影響合鳥分聲披雪羅影散泛水織文生勞歌大風曲威加四海清

又

唐李山甫

喜怒哀樂直不勻終無形狀始無因能將塵土平欺客愛把波瀾枉陷人飄飄遠香隨日
在綻花開柳逐年新深知造化由君力試為吹噓借與春

又

唐李嶠

解落三秋葉能開二月花過江千尺浪入竹萬竿斜

賦得風不鳴條

唐舒元興

五緯起祥飈無聲識聖朝稍開含露葉繞轉惹烟條密葉應潛長低枝且暗搖林間鶯自
轉花下蝶微飄但偃緣堤草能扶出水苗太平無一事天外奏虞韶

雲

唐董思恭

帝鄉白雲起飛蓋上天衢帶月綺羅映從風枝葉數參差過層閣條忽下蒼梧因風望既
遠安得久踟躕

又

唐鄭準

片片飛來靜又閒樓頭江上復山前飄零盡日不歸去貼破清光萬里天

春雲

唐鄧倚

搖曳自西東依稀又逐風勢移青道裏影泛綠波中夕霽方明日朝陰復蔽空度關隨去
馬出塞引飛鴻色任寒暄變光將遠近同為霖如見用還得助成功

咏柳詩題

卷一天部

四

進化書局印行

夏雲

唐曹松

勢能成嶽仞頃刻長崔嵬暝鳥飛不到野風吹得開一天分萬態立地看忘回欲結暑消
雨先開江上雷

孤雲

唐于鄴

南北各萬里有雲心更閒因風離海上伴月到人間洛浦少高樹長安無舊山徘徊不可
駐漠漠更東還

慶雲見

唐李紳

禮成中岳陳金冊祥報卿雲冠玉峰輕未透林疑待鳳細非行雨詎成龍卷嵐變彩霏微
薄照日籠光映隱重還入九霄成沆瀣夕嵐生處鶴歸松

晚霞

宋朱子

日落西南第幾峰斷霞千里抹殘紅上方傑閣憑欄處欲盡餘暉怯晚風

雨

唐李嶠

西北雲膚起東南雨足來靈童出海見神女向臺迴斜影風前含圓文水上開十旬無破
塊九土信康哉

又

唐杜牧

連雲接塞漆迢遞灑幕侵燈送寂寥一夜不眠孤客耳主人窗外有芭蕉

細雨

唐李商隱

滿灑傍迴汀依微過短亭氣涼先動竹點細未開萍稍促高高燕微疎的的螢故園煙草色仍近五門青

微雨

唐吳融

天青濕未遍風急舞難成粉重低飛蝶黃沉不語鶯自隨春靄亂還放夕陽明惆悵池塘上荷珠點點傾

春雨

霏霏漠漠暗和春暮翠凝紅色更新寒入膩裘濃晚睡細隨油壁靜香塵連雲似織休迷雁帶柳如啼好贈人別有空階寂寥事綠苔狼藉落花頻

連雨漲江

宋蘇軾

急雨瀟瀟作晚涼臥聞搭葉響空廊微明燈火耿殘夢半濕簾帷浥舊香高浪隱牀吹窸窣暗風驚樹擺琳琅先生不出晴無用留向空階滴夜長

對雨

唐李白

卷簾聊舉目露濕草綿綿古岫披雲氣空庭織碎烟水紋愁不起風線重難牽盡日扶犁

史往來江樹前

又

唐劉兼

幽庭凝碧亦連漪簷聲繁聒夢歸半岫金烏繞委照一川石燕又交飛濯枝霖霖梅花發吹渚飄飄暑氣微因憶故園垂釣處蒼苔班駁滿漁磯

夜宿聽雨

明李東陽

瀟瀟殘雨入深更半灑疎窗半拂楹芳草池塘應有夢落花庭院不勝情聽疑野寺昏鐘遠望憶江船夜火明明日曉晴須出郭葛衣藜杖一時輕

聞雨

唐韓偓

香侵蔽膝夜寒輕聞雨傷春夢不成羅帳四垂紅燭背玉釵敲著枕函聲

春夜喜雨

唐杜甫

好雨知時節當春乃發生隨風潛入夜潤物細無聲野徑雲俱黑江船火獨明曉看紅濕處花重錦官城

久旱喜雨

明羅珵

烈旱猶非久甘霖賸足誇密雲藏玉兔飛電掣金蛇豆熟豐隆茂林分潤透花農人忘帝力但說好年華

旅館遇雨

唐杜荀鶴

月華星采坐來收
嶽色江聲暗結愁
半夜燈前十年事
一時隨雨到心頭

宋陸游

芒種初過雨及時
紗厨睡起角巾欹
痴雲不散常遮塔
野水無聲自入池
綠樹晚涼鳩語鬧
畫樑晝寂燕歸遲
閒身自喜渾無事
衣履薰籠獨誦詩

監試夜雨滴空階

唐喻鳧

雲雲復淒淒
飄松又灑槐
氣濛濛蛛網空
聲疊疊鮮花堦
古壁青燈暗
深庭濕葉埋
稔垂舊鶯瓦
疑歷小茅齋
冷與陰蟲聞
清將玉漏偕
病身惟展轉
誰見此時懷

夏夜雨

唐韓偓

猛風飄電黑雲生
雲雲高林簇雨聲
夜久雨休風又定
斷雲流月却殘明

大雨

集作六月二十七日望湖樓醉書

宋蘇軾

黑雲翻墨未遮山
白雨跳珠亂入船
卷地風來忽吹散
望湖樓下水如天

晴

宋梅聖俞

風掃天如鑑
雲開日似萍
花花猶帶濕
蔬甲已微青
蝶翅粉應薄
塘波更渟渟
尋春不惜醉
莫笑髮星星

詩選

卷一天部

六進化書局印行

雨晴

唐杜甫

天際秋雲薄
從西萬里風
今朝好晴景
久雨不妨農
寒柳行疎翠
山梨結小紅
胡茄樓上發
一雁入高空

又

元倪瓚

江上白蘋風
起波冷紋縈
碧暮烟和織
成一幅鴛鴦錦
零落紅衣遠
恨多

初晴

宋陸游

睡起東窗照眼明
朝陽爛熳作新晴
已聞雨斷空階滴
更喜風從細葛生
蛺蝶飛來停酒榼
石榴飄落耀棋枰
四時好處閒方覺
不枉今年住錦城

又

宋王安石

幅巾慵整露光華
度隴深尋一徑斜
小雨初晴天氣好
晚花殘照幾人家

春晴

唐王駕

雨前初見花間蕊
雨後全無葉底花
蜂蝶紛紛過牆去
却疑春色在鄰家

春霽

宋秦觀

一夕輕雷落萬絲
霽光浮瓦碧參差
有情芍藥含晴淚
無力薔薇臥曉枝

途中晴

唐孟浩然

已失巴陵雨，猶逢蜀坂坑。天開斜景遍，山出晚雲低。餘濕猶沾草，殘流尚入谿。今宵有明月，鄉思遠悽悽。

霧

唐蘇味道

氤氲起洞壑，遥裔匝平畴。乍似龍含劍，還疑蜃映樓。拂林隨雨密，度烟浮方澍。公起步終從，步終從步輔游。

水邨霧

宋葛長庚

淡處還濃綠，處青江風吹作雨。毛腥起從水面，縈層嶂恍似簾中見畫屏。

曉行遇霧

雨餘花滴滿，紅橋柳絮沾泥。夜不消曉霧，忽無還忽有。春山如近復如遥。

露

唐李嶠

滴瀝明花苑，葳蕤泣竹叢。玉垂丹棘上，珠湛綠荷中。夜警千年鶴，朝零七月風。願凝仙掌，內長奉未央宮。

又

唐韓琬

長隨聖澤墮堯天，濯遍幽蘭葉葉鮮。纔喜輕塵銷陌上，已愁新月到塔前。文騰要地成非，珠綴秋荷偶得圓。幾處花枝抱離恨，曉風殘月淚泫然。

咏物詩選

卷一天部

七

進化書局印行

又

唐徐寅

鶴鳴先警雁來天，洗竹沾花處處鮮。散彩幾當蟬飲際，凝光宜對蚌胎前。朝垂苑草烟猶重，夜滴宮槐月正圓。休惕與霜同降日，頻繁思薦獨悽然。

霜

應節誰窮造化端，菊黃豺祭問應難。紅窗透出鴛衾冷，白草飛時雁塞寒。露結芝蘭瓊屑厚，日乾葵藿粉痕殘。世間無此催搖落，松竹何人肯便看。

霜花

元謝宗可

絮絮瓊英借露浮，日高還付水東流。剪裁應費金神巧，開落重教玉女愁。有艷淡粧宮瓦曉，無香寒壓板橋秋。五更不怕樓頭角，吹到梅花特地稠。

雪

唐聶季中

雲容四野合，日色斂光華。一夜寒生骨，滿天風散花。遠山雲鶴聚，老樹玉龍斜。豫報豐年兆，甌窰定滿家。

又

唐吳融

灑密敲璇宮，霏霏香莫窮。遲於雨到地，疾甚絮隨風。四野蒼茫際，千山晃朗中。夜迷三遠，鵲畫斷一行。鴻結片飛瓊，樹栽花照蕊。宮壑應邊盡，北填合海無。東高愛危峰，積低愁暖。